

誼

選

劉行道傳

梅際邨先生遺稿

劉行道。字士志。一字臻廬。達縣人。幼奇慧。七歲入塾讀書。能日誦數千言。年十二。補清諸生。學使陳懋侯奇君有高才。調尊經書院。年十七。從達縣訓導潘清蔭學。清蔭張之洞弟子。傳之洞與王闓運經學有聲。行道自是聞羣經及小學涂術。肆力探討。旁通曲貫。而尤善言尙書今古文。於梅賾偽經諸證。舉之如數焉。嘗自言欲精治三禮。以業繁重未及爲。然劇耽圖譜。于戴震考工記圖。張惠言儀禮圖。皆別判營度。求其密合其文章以詩爲最善。以爲詩者。風人之言。不當枚極苦硬。如黃庭堅之所爲。自唐李杜以降。惟金元好問。清吳偉業。無鑿於風雅。所爲詩風骨華朗。節族翔和。而託情悠淡。時時見蕭曠滲沈之恩。嘗盛夏行宜昌山中。每行十里許。則以一詩自課。雕琢山水。窮極妙微。爲其生平警策。年二十。中癸巳恩榜舉人。明年至京師。主婦翁吳德瀟家。因得與富順劉光第交游。以學行相切劘。光緒廿一年主講縣江陵溪書院。行道教學。壹以敦行勵節爲主。所至書院。皆先訂有學約。所以訓飭諸生者至嚴備。故從游日衆。在漢章書院時。學舍至不能容。假試院居之。光緒廿九年。成都創建通省蒙養師範學堂。時張鳴岐主學務處。聘行道爲師範教習。與總教習周善

辦梁山師範傳習所。是年又請歸併達縣。學田實興。合其經費。立達縣中學。局紳以不利己。私出阻訟。構陷之。縣官又陰袒局紳。幾不免。會胡峻總理高等學堂。聘行道教授經史。入成都。事得寢。行道還習史故。於歷代政治改革之趨勢。闡發洞透。至論其五胡五季逮遼金元。以異族侵陵華夏之禍變。尤鬱摯湛痛。不能自休。諸生聞行道講述。有至泣下者。在學五年。諸生無不傾誠敬服。行道自絕意科舉。以所學爲學堂教習。亦潛謀革命。行道之謀革命。蓋發端於木皮子。(清初賈島西氏作木皮子指古今帝王如舜禹文武以爲皆蓄盜心以寫其亡國無聊憤激之意)。(未完)

相傳洪福竄走浙閩。尙未滅時。有以木皮子見左宗棠。說以紀成斌柴六紀冤獄。而微撼以漢番種姓之不同。宗棠受而讀之累日。還其書。無所言。說者大懼亡去。行道夙傳其事。意慕權奇。求其書甚摯。後得之婦家吳氏。復得鄉先生李長祥天問閣集。集蓋在乾隆毀禁書日中。卽全祖望所記從張煌言馳驅海瀕以死之李侍郎也。行道讀。意益不平。復見清政竄賊。妻敗辱歐人。終不能藉手以安定吾漢民則與二三高足弟子。有所策畫。以傾清廷。然事甚祕。人莫能詳知也。

既復我重慶中學。后乃爲高等附屬

學堂監督。其教主於啓發學者志

氣。在講席多放言遠出肆譏笑。不

斤斤繩尺於圖籍。聞者鼓舞輕快。

頗有豪情猛氣。浮溢尺宅。弟子後

多死國事者。清季仕途猥雜。行道

素所鄙賤。既陰蓄異志。則愈疾之

醜言痛詆。無所不至。見則盱衡

高視。崖岸嶢然。一言弗合。拂衣

徑去。學者聞行道之風。無不譁然

歸重。向人言以爲劉先生弟子。微

然其自得也。光緒丙午。成都各學

堂爲運動會。主者衡量失平。學生

大噪。行道被推爲代訴。爭之甚力

。主者謾曰。先生且休矣。行道益

怒。顏項盡赤。大呼擲其茗瓊而起

。時達官大將老儒衣冠數百人。環

嚮之。惶也。巴縣楊庶堪。時教學

成都。亦被推爲代訴。多行道志行

。久欲引與謀革命。顧不審其意指

。未敢輕發。祕詢其門人。則言劉

先生固早持革命說者。乃大喜。約

爲生死交。行道性剛福。不能容物

。忌者亦衆。度終不見容。棄教職

走京師。意往依清蔭。清蔭方官學

伯建

偶書一截句

纔聞圓海驚波惡。便道香城轉曉空。畢竟真人

無罣礙。誰家犬近吠雲中。

甲申三十歲初度

細腰臘鼓已驚心。而立年差說至今。頰白有親

猶負戴。玄黃掩眼費呻吟。旌陽宅舉吾何濟。

龍漢灰疑夢可尋。聞道昨朝過百福。道經十二

偷許祝孤斟。爲百福日顯揚

悼亡

歐陽瑞驛

祥女入門絡秀賢。善承色笑慰堂前。先慈於夫人

持言不苟婦之則。見義當爲己必先。李苑靈根

淨冰雪。夫人李姓蘭閨俠氣帶幽燕。夫人籍河北

撒手剛中壽。夫人沒年偕老他生再結緣。定與性爽直人

卓卓才能信跨羣。從行江海寄浮雲。長兒育女

多虧爾。夫人生男三料米量鹽都讓君。縱寫楮毫千

萬億。何紓苦悴忽釐分。家貧久病嗟無計。一

任釵沈不可聞。

山居氣候戾和平。弱骨羸軀那易撐。疾劇弗瘳

呼鳩飲。每苦咳嗽宵深不寐聽雞鳴。因病恆

大事猶虛願。男女均有子高科甫綴名。男婦高科

此去定登極樂國。拈花含笑面如生。及格夫人沒已

將屆稀齡賦悼亡。流離况復客巴鄉。藥鐺伴體

餘三載。雪夜傷心十八床。夫人沒於上海醫院第六

殷得軒

春窗漫詠

儂家花壓籬。楊柳綠絲絲。簾前聽鸚鵡。相誦

是君詩。

紅豆含花時。春風吹放之。感君多情心。何以

報相思。

留別渝州諸友好

童植

乘槎此日別渝州。回首雲封百尺樓。盛會難忘詩酒樂。更從何處覓良儔。

奉和原韻

吳履菴

十年兩度客渝州。江外青山山外樓。煙雨迷濛君惜別。騷壇寂歷我無儔。

又

潘韜

吟鞭遙指下常州。秋好江南滿故樓。何日秦淮同一櫂。題襟重證舊詩儔。

玉漏遲

鄭莊秋集賀前日援勛

山腴

對江晴木落。華潭倒影。秋涵樓閣。雁渚漁汀。無限蓼花灣曲。說甚臺高戲馬。恍伐荻新洲如昨。歡共酌。詞人猛士。來眉橫槊。

軍城嫋嫋飛旌。纔玉帳弓弓。論勳酬爵。當道龍軒。十載北門金鑰。天遣胡塵不到。喜罷聽防秋吹角。衰意豁。餘生後車聊託。

瀟湘夜雨

華潭秋集之夕夜聞無寐起賦此詞悵然題寄

秋被無溫。殘燈耿燄。愁多睡短宵長。百華潭上弄輕航。任半響憑欄看水。總照影不是鴛鴦。真辜負。殷勤接汝。打槳心忙。相憐兩樂。問羅幃裏含笑誰雙。嘆雲中月墮。枉自伴伴。空軟語溫存不盡。金杯酒味少沙饒。饒添得鬢多十八。無意問新妝。

歸途呈墨樵

羅祖欽

謝公坐嘯足風流。似聽唐賢白雪謳。睽隔苦嘗韓伯藥。歸來重泛李膺舟。窗前疲鳥猶依樹。簾外飛花欲上樓。夜雨一章珍若璧。祇慚才薄未能酬。

少陵不賦海棠東坡疑獨外之詩以爲辯
海棠綽約百花前。爭怪詩懷不爲牽。誰惜少陵心底蘊。最深情處是無言。

留別陳松濤

一朝取別吾寧願。况復龍鍾兩病翁。握手依依楊柳綠。離懷悵悵杜鵑紅。欲傾斗酒期難卜。只有靈犀許更通。莫問此行何處去。任隨飛絮逐江風。

滬上送呂恢歸湘中

拓之

重陽過後柳依依。向夕東園蝴蝶飛。正是滿江秋水漲。落花如夢送君歸。董家宅畔草初齊。墻傍遼陽路口低。記否天涯鴻迹處。十分明月小樓西。歸去瀟湘一葉舟。芙蓉迎笑滿江頭。何時把釣蘆花蕩。與共煙波載酒遊。春申風物舊曾諳。抵掌高談倚牛酣。莫惜重遊好時節。啼鶯三月過江南。一別能生萬斛愁。洞庭木落楚山秋。相思今後知何似。江水迢迢日夜流。

讀少陵成都府詩感用其韻

伯釐

笑彼千人縫。何若百衲裳。恆用自割裂。補綴渾無方。惟自義軒來。吾已有此鄉。瞬且數千年。根荄一何長。徒聞還童叟。顏色仍老蒼。彼哉正角力。此復弄笙簧。側望西南。白骨填關梁。天人並有助。前路還茫茫。新月不自明。詎掩燈燭光。百代憐臣甫。哀時起歎傷。

匡廬偶吟

楊學勛

近成屏幃遠成園。日日看山坐翠微。峯壑委蛇開地脈。登臨豁爽悟天機。敢誇孤傲吞雲海。應信雄奇挽落暉。還愛百泉爭瀉恨。一宵秋雨綠添肥。

重游西湖

翟覺羣

曾記勾留可歲餘。少時心影半模糊。十年一度逢西子。月滿杭州詩滿湖。

騎塵摧鬢。辱非餘脂。宮魂斷盡空憐。泪冷移盤。關榆猶舞殘煙。消他鳳銜龍護。奈登場絲引連年。霜蟄起。念家山破後。身世枯蟬。何處酸風環珮。付勾驪流水。咽恨綿綿。一例銷凝。啼妝難避鋒端。休談咬春燕九。鶴歸來。應喚驚弦。桑海換。更傳烽。慵弔帝鵲。

虞美人

守一

行雲漸入山深處。客向雲間住。倩誰傳語倚闌人。好向雲山深處望音塵。山高住與嫦娥近。蹤跡憑君問。庭前斑竹已抽枝。且待春來寄與數相思。

井勿幕墓誌銘

章太炎先生遺稿

井勿幕。字勿幕。陝西蒲城人也。家世大俠。少與兄崧生習手臂。十一二歲以家中落。走重慶。依戚屬居。稍長游日本。入大成經緯諸學。同盟會起。密署陝西支部長。陝西光復。自勿幕始也。時民黨多學子。勿幕歸。獨結田野奇材爲用。亦與諸儒先相要。多應者。清宣統三年九月。同志謀起西安以應武漢。時勿幕在耀州。倉卒推張鳳翔攝軍事。陰戴勿幕爲大都督。勿幕使人曉譬。言亟易主帥。徒自擾。乃推任陝北招撫使。行收兵徇直北諸郡縣下之。渡河欲規復山西。山西已

獨立。乃還渭北。渭北者陝西繁富地。涇陽三原諸縣在焉。勿幕部勒士卒毋得犯民間尺寸。渭北大安。時諸將雖有功。然皆以勿幕爲綱紀。南北統一。勿幕卽散遣士卒。遣一旅付陳樹藩。而身走上海。期讀書償素願。習國文英吉利德意志書甚勤。民國二年春。賊殺宋教仁于上海。東南諸將皆發憤欲舉兵北向。陳其美等要勿幕甚急。勿幕報曰。倡義以來。創夷未起。苟無害國體者。吾不欲與爭也。自是壹意求學。聞人言國政。卽不應。四年冬。袁世凱將改號。勿幕奮曰。斯時不起。民國爲無人。卽挺走入雲南。明年從蔡鍔出宜賓爲第一梯團劉雲峯參謀。去與北軍鏖戰月餘。勿幕處前敵時失食不近菽蒜。雲南兵在四川。往往委暴。賴勿幕調護得無擾。諸豪民亦樂爲用。功最多。世凱死。從義師者皆以擁國體受上賞。勿幕復走上海習文學如故。會李根源被任陝西省長。知勿幕爲陝西望。力請任關中道尹。是時陳樹藩已爲督軍。數不法。民甚厭之。六年夏。團長耿直兵變。欲戴勿幕以傾樹藩。根源數勸勿幕應之。勿幕持不可。曰。假反側子以傾人。後不可制。根源愈趣之。勿幕退語人曰。陝西非我不能收拾。覆樹藩易耳。如諸君所爲。無益也(未完)

篋中檢舊存詩悵然成詠

殷得軒

蜀中無限佳山水。生長蛾眉傑出才。閒愛晚霞披繡卷。筆花端爲女郎開。
絕代英華有舊姻。花開曾與踏纖塵。自從一折河橋柳。荏苒芳韶已七春。
安琪兒影絕人寰。同是華鬢謫仙。今日相思更何用。漫勞纖手脫珠環。
却嫌脂粉浣肌膚。眉鬢天然勝貌姑。緣結他日容幻想。鑑前低喚小檀奴。
凝眸獨立水晶簾。却後相逢意轉慙。願化吳蠶絲萬縷。爲他溫暖製春衫。
梅魂菊影簪爲名。玉樹瓊枝種謝庭。天壤王郎定非偶。將何幸福遺今生。
數株凝綠影瀟湘。滿院殘紅送夕陽。通知翠簷心緒苦。燃脂嗅想坐春窗。
玉貌花顏閃電休。宵寒擁被思慙慙。人生心願誰能遂。一許情凝卽白頭。

江神子

雨中可賦桂華仍用前調

山映

乍聞涼雨嚮潺潺。起來着倚欄杆。點砌飄階。誰拾墮香寒。昨羅幃明月影。今日裏。便闌珊。
玉娥端解惜芳殘。掠雲鬟。試膏煎。鈿盒盛脂。薌澤許多般。
閩中頗接志爲膏髮用更愛一番新昏樣。魚子灑。碧苔箋。

念奴嬌

中秋月下聞鄰院歌聲

碧天飛鏡。正雲纖羅捲涼珠迸。人世團圓佳節好。不管嫦娥孤另。拜月妝新。寧簾光滿。姊妹肩爭竝。那家庭院。儘笙歌耐人聽。
賸憐老去情懷。恁胡牀據總少南樓興。大地山河凝佇久。玉斧持修無着。到宵沈却將人戀。路遠清輝近。問南報鵲。繞枝三匝何定。

升沈

題嚴嘯警衛成都十年紀念册

通一

狗脚生聲臥不驚。頻聞借寇錦官城。十年休問興亡迹。萬口同嗟治辦聲。燕寢凝香沈戟靜。重關擊柝戍燈明。梅開小雪還多暇。酒熟郵筒且細傾。

奉和 鳧公海上述近況寄伯建兼及

鰕生

守一

僊人海上念膠阿。自剖雙魚誦九歌。落拓一身思白傅。問關四柱怨黃婆。鼎汁中湯揚仍沸。鏡裏助名老奈何。丈室定知慕止水。還成戲瓦盪清波。相牛經好易龍阿。與窳圈枰激似歌。破夢月明窺木魅。閑情歲暮憶湯婆。山中橘柚新成熟。海上風雲近若何。待得淮南米價賤。欲浮雙櫂翦淞波。

和伯建渝州九日之作兼酬伯鷹

張子黎

細雨斜風沐翠鬟。輞川畫筆想芳顏。悲秋客反忘佳節。把菊人同對故山。珠玉落從霄漢上。新篇雅近晉唐間。吟懷應笑因君發。却恐閒愁未易刪。

井勿幕墓誌銘(續)

章太炎先生遺稿

初勿幕在陝西。具識閭里姦邪。及諸將校情僞。知倉卒不可杞治。期蓄力聚財十年。乃大起振治之。陰有部署。不欲與乘時要利者謀。故不肯如根源計。靖國軍起。耆帥郭堅等從關中應之。樹藩疑勿幕與謀。時遣人司視。勿幕遂移疾習外國文學。用自暇。雖退居。當事視之如敵國。七年。民軍舉于右任爲總司令。既入關。謀環攻長安。樹藩恐。請勿幕爲解說。勿幕亦以耆帥遙起。秩敘將亂。願自出說攝之。乃許行。到三原旬日。諸耆帥皆來歸。願聽約束者四旅。士氣大振。樹藩益懼。悔遣勿幕行。而郭堅舊部李棟材。遽陰圖勿幕以悅樹藩。十一月二十一日勿幕與雲南葉荃會師還。將至興平。棟材矯郭堅書要勿幕入其軍。時勿幕屯軍去棟材營十里。卽輕裝以從者八人詣棟材。至壘門。伏軍起。發銃擊之立死。從者一人脫走。歸報。後軍至。棟材已棄營走。樹藩方置酒張軍樂。

。得勿幕頭。賓客皆大譴。勿幕妻妾在長安者。聞變使老僕請其元。樹藩不與。會雲南四川援軍責問勿幕死狀甚急。而崧生方爲陝北鎮守使。樹藩憚之。乃歸勿幕頭于蒲城。頌言殺勿幕者郭堅云。勿幕死。于右任如失左右手。陝西事遂大壞。西南援軍亦以命令退矣。八年春。城固康寶忠以葬告。乃爲銘曰。秦晉甲塘。以興良士。任俠好修。善刀而剗。初起北山。民不厭兵。井竄倘若。市閭無嚴。標忽遠引。潛軀博舉。隱見不恆。唯義是要。丹貞以燒。桂馨斯蠹。如何種吳之亞。

民國二十三年間張君耀翔曹君禮
吾無僕結鄰上海之真如鎮戰後相見
與禮吾飲於翔老之金谷村寓齋感舊
習作 伯鷹

異時兒女各彬彬。檢點同看白髮新。望外十年
金谷酒。燈前九死褐衣人。擣沙風無潮成往。
換世仍勞臂屈伸。便合與君支近局。通家相過
莫辭頻。
故人厚祿絕音書。老嫗開門尚識余。盛世劣能
忘感慨。劇談喜復發軒渠。蛤蜊以次情差淡。
木雁之間計或疏。舉白先浮子曹子。此宵風味
似真如！

偶用韻

薊北遼東滿戰塵。江南築室一番新。訝傳炎漢
羊裘釣。憶辨圍城玉貌人。曉霧寒多花欲斂。
虛窗睡美脚初伸。夢中零落朝元仗。未羨鈞天
燕賞頻。

宿朝陽學院不寐示諸子 二 適

雨聲淒厲驟無眠。羈旅難安欲問天。庸蜀八年
愁鄙事。亂峯一夕鎖蠻煙。談經作聖吾何敢。
挾策乘時汝自賢。多謝哀絲動豪竹。替人清苦
有詩篇。是晚有同樂會

靜坐 四首

前五八〇圖 廖雲

來時正流火。四野稼初黃。江鷗泛蜀水。海燕
棲華堂。荏苒忽經秋。蕭條天欲霜。世事那得
言。口噤如寒蟄。安得排虎豹。昂昂叩天闕。
倏忽朔風起。秋蟲已息鳴。嚴寒攢百慮。獨坐
復含情。日與古人對。糟粕成菁英。望古一遙
集。環山落葉橫。

前賢有憂思。牢落苦悲秋。當此蕭蕭日。長爲
宋玉愁。雖悲不改度。吾生行已修。願得藝蘭
芷。百晦盈衡丘。

人生貴行樂。踟躕亦胡爲？燃爐烹話火。薄酌
聊慰思。良友偶相過。時還解我頤。清琴豈在
絃。詠詩忘朝飢。寄語山中人。何用相招攜。

憶舊游

和仙建詠落葉

程仲瑾

望中原故國。早又淒涼。氣肅秋清。紛紛荒徑
舞。總飛隨逝水。泛若輕萍。子山半牀堆積。
作賦記曾經。歎渭水蕭蕭。洞庭渺渺。深感飄
零。傾心。有誰惜。念往事題紅。怕說春榮。
寂寞空閨裏。盼街溝流暗。冷月無聲。任他滿
庭誰掃。猶賸一分馨。恨半沒重巖。雲封萬壑
迷武陵。

齊天樂

送子 師東歸

劉彥邦

淒淒風雨催離緒。能消幾番腸斷。翠葉辭枝。
荒溝漱月。最苦芳菲都換。歡筵乍散。便酒趁
哀絃。都成悽惋。夢冷吟酸。紅巾先搵淚痕滿。
殘書那堪再。縱河清待頌。鄉國須返。絳帳經懸。
夢灘槩歇。漫把征壘輕浣。尊罍未
晚。且遠攜茶烟。還親詩卷。遙想薰風。有吟
箋更展。

清平樂

前人

舟橫野渡。愁絕楓林路。村外荒烟寒日暮。山
靜蛩吟如訴。鴻飛錦字迢迢。夢回落木蕭
蕭。殘酒不成淺醉。對花應自無憀。

更正啓事：

文苑第四六七期詩第一首「十年休問升沈
迹」一「升沈」二字誤爲「興亡」特此更正

誠意伯集序

乙卯

章太炎先生遺稿

明太師誠意伯劉文成公造郁離

子覆菴集。犁眉公集。寫情集。翊

運錄。春秋明經六種。後人集爲一

書。其版在青田祠堂。浙江書局重

槧焉。明季鍾惺別嘗第次其文。獨

不錄詩。然公詩文。自明時已散佚

不見。清雍正世有韓錫胙作滑稽集

。稱青田石門洞西麓。今爲靈佑寺

。寺範誠意伯像。則其平生讀書處

也。石門洞山水隗倚。自李白世爲

秦觀樓鑰皆有詩刻石。今誠意集中

。獨戈谿一詩。若石飄白岸礪石諸

勝。未嘗有片言。意其文散佚者多

矣。今祠堂版本復被燬。獨浙局重

刻者爲能仿佛。民國四年冬。公裔

孫崧申。以炳麟慕公深。屬爲之序

。乃序曰。昔胡元陸梁。軟我保介

百年。乃有韓徐諸雄。起于荊豫。

屬侈不足與共大事。而張士誠。方

國珍據吳越間。又羈屬元。受其爵

賞。其唯明祖。高才犖犖。爲有長

人之德公以耆碩爲之師保。其始經

略不滿千里。而能西刈陳明。東羈

張方。命率北征。胡曾烏竄。奄有

禹域。光復舊物。皆由公贊化爲多

。成功盛德。上方留侯。固无得而

稱焉。其性行剛廉。不隨流俗。灼

然効于文辭。發言獎鉏剛健旁通又

爲明代宗師。甚非後進所能褒頌

也。顧世或以嘗仕胡元。爲公詬病

。

。

。

。亦或比伊尹五就湯桀。安者且言
公本爲元計。窮乃歸明。或又傳以
識記方術之辭。案公少舉進士。仕

元至江浙儒學副提舉。未嘗踐朝列

。居方面長官。斯祿仕之常耳。方

國珍小寇掃扈整害閭里。其志固不

爲攘戎貉。匡漢略。公之起。則爲

鄉邑保障。不爲元行省干城。厥頌

石末德政。與其倡咏騁醉之文。非

大體也。嘗作伐寄生賦。稱異類滋

長。舊本就倅。非其種者。鉏而去

之。戰城白稱五股。限夷夏。彼狂

爭長走馬引稱。報戴天之恥。及謝

舉羽傳訟言氈裘鞬唱。指席無忌。

其分北戎夏之志。唯唯形于篇什間

矣。

(未完)

晚歲功成。嘯庸數世。子姓滋

衍過萬人。明亡至今未有一人受清

流官祿秩。足以知公遺教餘澤。流

于後昆。而云素无其志。斯庸論也

。諸所言術數事。明人筆札已侈言

之。案公文多胡元時作。入明差少

。其帷幄密議則絕。誠以篇箋殘奪

。亦由軍國大議。造次立陳。君臣

无壘。無待章奏封事云云也。世人

怪公籌略而文疏少。遂以神怪之事

傳之。古之名世。若諸葛武侯。魯

橫江者。其盛美獨在定策數言。不

于行軍曲折。事事指而數之也。公

與明祖所論方略。列傳已詳及。以

。

。

。

。

。

御史中丞留守。懲胡元寬弛。以嚴爲紀。其後明祖斬斷逾溢又言。霜雪之後。必有春陽。爲政寬猛如循環。徒恨明祖不盡采用。其言非少也。凡諸雲物風角形法壬遁之書。

前世豪傑或兼知之。公善爲天官歷象及靈棋經。明祖起香軍所任周顒張中之徒甚衆。性不可移。或時舉占候。令易聽用。要其發縱指示。處以人事。而不以方術斷也。炳麟

去公久遠。自元戊申以建民國紀元壬子之歲。五百四十有四年矣。

平居問學。未能逮公豪末。獨以懷志操行大同。幸而克濟。非曰勤勞。其公在天之靈。實式馮之。甚欲

瞻禮頌法。敬薦酒脯。身在困阨。懷不可遂。以爲古者要離梁鴻。趣舍異路。猶以冢墓相連。炳麟于公

非獨要離梁鴻也。咨于公之裔孫。而先爲壙。密邇于公。以申生死

慕義之志。公之微非亦非炳麟莫敢任其言也。是用齋粟敘次以歸公祠。民國四年十一月後學章炳麟序。

(完)

炎威逼吾恒倒臥。甘櫻瘕疾忍飢餓。七年入蜀蟻旋磨。喝死或須憑人賀。吾憂堂堂在遷播。忽報熱休如聞馱。來既無名去則那。今吾隱几床敷坐。詩成不須爲唱和。讀書往者面當唾。重拔刺無怠惰。

若蘭舉一雄喜賦此詩

黃絹欣傳幼婦詞。喜哦薺白賦新詩。何郎定與癡兒似。魏宅終成相者期。得雋汝今弧四射。思歸吾已鬢千絲。他年抱犢窮鄉住。要見孫枝長大時。

謝飲王翁家

要須時過公家飲。有客騎驢現眼寒。祇怕年光緣此盡。百壺能爲故人乾。

鑿坏

伯鷹

故人奇節久彌高。四海蚩蚩尙驕驕。仰望阿衡爲聖佐。鑿坏何意背人逃。那能唾手作三公。小薪居然隱退風。少室山人非索價。便教不出亦羣空。

程仲璋兄饋以乃祖雨琴公妙香軒集

唐詩四冊賦謝

李仲咸

吐納百家包盛唐。胸中融貫繭絲長。織成雲錦奇無縫。製就大衣妙有香。集腋狐裘工組織。雕龍心手煥文章。荷君錫賚開蒙昧。姓字初逢日月光。

卷中所集諸家姓字有僕生平所初見者蓋江李西澗太史及榮縣趙堯生侍御均深致推服。

宣情

馮鶴琴

十月興文路。青青長蕨薇。宣情融止水。友道驗寒衣。雞犬雲中樂。蓴鱸夢裏肥。何因簪組束。去住與心違。

月波夜泊

竟日扁舟逐水程。蓬窗寂寂客愁生。荒江夜靜孤月白。時有寒鴉號一聲。

西靈寺和高孟起韻二首 吳展昇

諸天間。西靈拂壁題。梵音留畫閣。煙樹
梯。倏忽雲霞遠。微茫洞壑低。此中皆幻
何處是招提。

藏古剎。日落捲遙峯。寶相幻逾吟。情
更濃。山山談虎豹。歲歲問魚龍。指顧羣魔
春城一笑逢。

歲杪登寶泉山步園舜白韻二首

前人

龍頂寺。躑躅上方來。矯首惟修竹。迎門
梅。鐘聲喧石磴。鉢水拂塵埃。誰覺迷途
禪關面面開。

浣溪沙

宋元誼

零烟夢不歸。殘霄風雨隔重幃。人間春老
時。刻花窗戶漏遲遲。紅燭有心垂故淚。綠箋無緒寫
青蕪。接野烟。欲憑流水覓前歡。露蒲風柳
還。落日銷金霞似夢。夜雲凝碧月
忍將恩怨問蒼天。

青圓競晚香。平波不動簾紋涼。昨宵風雨
塘。脈脈粉雲飛斷影。盈盈珠露閃
蘋花渚口一相望。

山花插鬢新。鷓鴣聲裏欲黃昏。碧雲
星。芳草平林青入夢。晚風涼露事
相逢應爲拭啼痕。

久病文園類楚囚。天教留骨駕輕輪。曉辭西蜀
君平宅。暮宿東吳孫夢樓。稍喜生還逢故舊。
寧忘遷徙賦離憂。明朝欲上揚州去。但恐何郎
笑白頭。

還金陵答子句兼簡道冲貫丞

羅祖欽

久病文園類楚囚。天教留骨駕輕輪。曉辭西蜀
君平宅。暮宿東吳孫夢樓。稍喜生還逢故舊。
寧忘遷徙賦離憂。明朝欲上揚州去。但恐何郎
笑白頭。

彥明以登金焦二山詩見示屬作兼簡

吾山立本

飄輪札札下吳天。隨上金焦謁孝然。煙樹遙開
花欲笑。滄波飛濺氣猶癡。六朝宮闕生荆棘。
百戰江山鑄俊賢。失喜蝦夷先效順。紅桑深處
海成田。

奉酬伯鵬先生見懷三疊重陽韻

李仲咸

霜林葉落覆山簷。天際詩來喜破顏。紫橘露垂
連雙道。丹楓霞豔醉吳山。邀君妙詠玲瓏起。
著我豪情海岳間。花縣世承聲譽滿。曝忱獻處
句全刪。

述懷

葛蒙

景公馬于駟。沒世委埃塵。夷齊餓首陽。令名
日日新。所尊不在爵。豪右何足陳。許由輕軒
冕。洗耳穎之濱。顏回居陋巷。三月不違仁。
原憲蓬爲戶。環堵滿籬榛。歌聲出金石。節概
傳與倫。常人趣谷熱。志士貴金真。竊秦非所
慕。且欲甘吾貧。夜擁牛兒臥。敝袍畫蓋身。
室無斗粟儲。九食三旬。辛苦雖如此。自重
若干鈞。

長夏

殷得軒

長夏山村景物全。葡萄初熟雪梨鮮。家人選菜
當供筍。稚子停書愛聽蟬。修竹綠添新雨後。
短衣人立晚風前。林泉信美流光老。故國平居
又一年。

夢飛奇石丞

羅祖欽

列竊施存術最奇。無毛無羽亦能飛。高擣杓斗雲。雲節疊。橫厲關河風拂衣。城郭有知應一笑。秦淮無恙許重。莫對頑僧較是非。

秋意

雲繞江城水繞廊。微風微雨釀新涼。宵征漸覺羅裳薄。露坐初聞金粟香。莫向螻蛄爭晦朔。偏從蟋蟀取官商。砧聲縷縷含秋意。王郎欲斷腸。

元日遊望江樓瞻薛濤井

蕭定梁

東風侵曉生。一雪喜新晴。濤井寒波寂。錦江綠水清。春回樹未碧。鳥語客先驚。紅粉今塵土。獨留千載名。

仿杜工部入宅二首即用原韻

馮鶴琴

且就兒曹養。毋勞問米鹽。溪聲雲外瀉。山態雨中添。試酒陳陶盞。留香下竹簾。熊魚原并美。無意得相兼。徑僻無車馬。問雲任往還。遠帆明字水。初日上塗山。但喜兒童長。渾忘鬢髮斑。中年歷哀樂。莫問秣陵關。

凝望八首

殷得軒

踏歌芳草地。嬉遊未忍思。翩翩蝴蝶舞。雙小無猜時。記得新正月。君家尊人生。淡妝隨母來。攜手看春鐙。堂下開紅豆。折花堂前貽。十年各長大。春風吹別離。門前一樹桃。開花結實久。思君兮不來。採擷他人手。滿架薔薇花。今年又開過。落英不能掃。留與情人坐。枕上連枝樹。針針刺纖手。夢中不見君。啼多淚痕透。江上柳眉綠。送君從此離。攀條不忍折。凝望歲歲愁風雨。孤身天一隅。知君無恙否。腸斷寄封書。

鷓鴣天

秋感和雪尼原韻

宋元諱

一醉醒來歲欲闌。蘆花風老雁橫天。秋星夢中銀河落。紫玉煙隨絳蠅寒。虛閣上。小屏前。吟魂辛苦度遙小。敲窗葉墜冲宵起。腸斷金莖露未圓。

羅幕低垂不上鉤。風飄涼雨亂如愁。當筵酒盡離人淚。叩井桐搖別院秋。箋素卷。錦囊收。從今花月屬前游。清商解得朱絃怨。忍令青鸞顧影羞。

院落惜惜玉漏沈。碧空如水浸繁星。經秋老桂懸香夢。終古圓蟾換鬢青。人不語。夜還深。空山涼韻喚天聲。天風繼卷行雲杳。不怨高寒是去程。

小病心情強自支。舊家衣冷篆香微。秋風渚北期猶在。煙水江南夢也癡。休問訊。莫來遲。紅蘭消歇更誰知。相思淚滿愁痕疊。寒雨深燈幼婦辭。

雨過清江映露霞。長堤衰草礙鈿車。霜前玉露凋楓葉。夢後金風白葦花。波路闊。夕陽斜。斷鴻今夜落誰家。幽閨寂寞彈碁局。怕使繁聲隱塞笳。

黃季剛先生遺著

廿日庚午二之廿三 禮拜六陰寒

再看唐文粹至七十五戊記丁唐大圓即

唐蔚鴻鵠六來住中國 佛學會 卷一號新志來

得離明轉來朱心佛上海書得孟倫

轉來趙少咸成都書取得湖北通志

三大册

廿一日辛未二之廿四 禮拜日姓媛

旭初午來示以代△所作與倬覽書彙

旋驥臣亦至家約潘子同出食于浣花

館食後步夫子廟前買得大理石小屏

風一三紅藤一束賈人云即血藤子以近見歸

時已薄暮矣駿臣石禪來共夕食

廿二日壬申二之廿五 禮拜一陰微寒夜雨

再校唐文粹七十六已記哺挈子女觀優

于更新習臺念勤初觀 劇頗不耐演三藏取經事設

景頗佳夜食廣州酒家味劣值昂人定

乃返

廿三日癸酉二之廿六 禮拜二陰微寒小雨

昨禹生來值已出留贈其禹生四唱二

册家製溪菜六種再校唐文粹七十

七庚記暮與子侄食于德國飯店嘗異味

也真新炙矣臥看癸已類彙

廿四日甲戌二之廿七 禮拜三姓媛

再看唐文粹七十八銘或殷王二生暮

來夜與聲女三子觀優多費而乏味

子夜乃還臥看俞理劭文

廿五日乙亥二之廿八 禮拜四姓媛

裝先公壬辰守歲示諸子及癸已元

日賀春客去作詩稿為橫幅漢袁安碑

拓本為立軸成與漢鐵盤並先公題記

拓本秦瑯琊刻石殘字十二行拓本先

廿六日丙子三之一 禮拜五陰不寒

蜀士劉得天來夜看小說取瀛脩

廿七日丁丑三之二 禮拜六姓媛

念寧三歲生日午邀旭初來食湯餅以

報載誦予事誥責焯成辯謗詩四首

示旭初而已再看唐文粹七十九

廿八日戊寅三之三 禮拜日姓媛

園中竹活柳梯人意快孟倫借去

手校經典釋文第四册楚余王二生

來哺挈四子出游過鼎丞門入眎久

談偕訪孟石不值詣範亭邀之往聚慶

小飲以汽車反

廿九日己卯三之四 禮拜一姓媛

念平滿月旭初送禮草呼廚饌哺視

容疾連日不適未俚看書

二月庚辰三之五 禮拜二姓媛

初悟不適乃水未沸茶不濃之由午

後挈子女五人出游至北湖湖神祠乃

見櫻桃花方開喜甚與子女照相于竹

間勤兒騎小馬也木製初照相殊樂飲于

水榭僅盡麥酒一瓶囊空無以繼微醺

而已步至長州流連繁化下看夕陽如

染薄暝以馬車還

二日辛巳三之六 禮拜三姓媛

再看唐文粹不得一卷連日不適游讀

皆無興味臥看癸已類稿實有卓識

不僅博覽而已夜駿丞來商去就予

有忠告

三日壬午三之七 禮拜四姓媛

曾昭燏來辭往英國景伊來有賣

饒翁在門前觸滑碎其什器殆盡仰天

悲號意良不忍假一元卹之看唐文

四月癸未三八姓媛

鬚頭始易羊求 唐大圓來久談與
共飲 午後與四子挈酒臘出游湖上
道旁購得醴醪二器分至長洲櫻桃干
樹競發杏初破專流連其下至於日曛
微波新柳麗日浮蕩雖百游不厭也况
始得之乎行至水榭開瓶榼與兒輩笑
噱佐以春卷大醉迫暝以馬車反 臥
讀癸己類稿

五月甲申三之九姓媛

始易薄繇繇 大圓來詒酥餠並其文
稿與談陸氏文賦微妙處及遠公念佛
三昧集序誤字文生送黑皮酒家與同
至德國飯店食食罷歸視大女疾 看
唐文粹八十二四看癸己類稿了

六日乙酉三之十姓媛

始易驪裘薄繇繇 殷生還來釋文第
四册 漆鑄誠挈其子來飯後但植之
夫婦鄧孟石夫婦鼎臣同來偕出游湖
夕食于廣州酒家還眷宅地又將見侵
之說 臥看四朝書見錄

七日丙戌三之十一姓媛

午約但氏鄧氏二伉儷及鼎臣來食食
後爲△君題所藏林時瑛字 同
茹辛凌少湄同日度五十鄉人觴之于
老万全予挈子往賀並贈一詩酒肴劣
甚歸路入月山公司小食迺得飽而歸

再看唐文粹八十三五
看癸己存稿 附：楊子雲雖擬易以至信
如皆斟酌其本相與於

依而臨
助云

勅堂復來書招邀入渝重賦此爲謝兼
東繹蕩 二一適

遊梁人勸賦長門。欲買千愁混駿奔。碎壁侯門
啼笑苦。題詩權黨語音紛。權黨下 柳巷空看野燒喧。執斧休驚煩遠客。誰不
兒子諡猪豚。

詩類發索繹蕩勅堂和

二客相將話苦辛。滿城車馬易成塵。積憂寧止
天無日。弭亂休論國有人。哲匠端宜吳士賦。
鄭桃又見蜀山春。忽聞啼鴂催詩句。試問芳菲
孰主賓。

封書頗發付山郵。世難何須說悔尤。失路文章
窮亦好。閉門山嶽氣仍秋。陸沈久已人同俗。
灶養均之世競侯。獨有湘纍驢意足。忍心無女
臥高邱。

雨後出郭謁字康先生 王淡芳

大道方凌替。吾師靜所便。詠歌庚宋後。避世
許巢先。丹壘收蟲篆。綆絲汲古泉。陳編忘歲
月。何意察蘭荃。

郊路初收雨。都城厭閣塵。清溪低漲水。高鳥
遠盤天。野客看雲過。山花醉日妍。幽居知近
處。只隔武陵川。

柴門荒草木。雞犬共人間。搜句來愚谷。棲真
向潁川。瓶罍唯貯酒。風月不論錢。諸老楊雄
在。寂寥獨草玄。

東蔣山青處長 吳履芬

萬里花風萬頃波。題襟載酒作佳期。柴廬錯落
山深處。塵尾橫斜月上時。報國文章留閬苑。
傾城俊傑仰豐姿。燕然刻罷君歸去。便擬相從
下釣絲。

和范錡教授牡丹詩 前人

拂檻臨風正曉妝。豐姿綽約自堂堂。生成國色
無雙豔。搖曳庭階第一香。如此名花堪解語。
儘憑處士更能狂。山居索共尊前醉。贏得玉環
典錦裳。

生日感賦 果庵

歸來故友幸經過。初度還逢許放歌。萬事無如
養親好。一生唯覺負恩多。登高望遠今何世。
病酒傷人鬢已皤。早晚渝州重作客。勞勞我欲
息奔波。

銀漢風高鷓鴣飛。雙星拌別不成啼。琴心未許恩還怨。絃語相逢是抑非。秋欲老。夜何其。人天離恨總難知。不堪重理楊絲夢。何必殷勤話折枝。

舊燵新燄入望驚。千家野哭待河清。收京夢好謀梁雁。款塞盟誇厲吻鷹。商女曲。賈胡爭。海潮夜夜浸荒城。傷心怕問長江水。流盡秋光是此聲。

聊借輕寒掩畫樓。秋心離緒訴無由。深情日爲藏雙淚。多夢年來解獨愁。傷雨隔。望江流。吟邊紅葉寄來不。紫薇庭院西風冷。懊惱朱顏不耐秋。

淚化珠。照夢歸。瓊瑤在佩覺來疑。低徊鬢影迷孤怨。檢點衫痕有賸悲。驚舊約。數秋期。瑣窗風雨共阿誰。相逢願炷沈香火。心字逶迤入作灰。

南浦相期桂子香。苔痕羞認別來長。吟情哀樂融珠淚。秋意陰晴鎖畫堂。雲合暮。霧催涼。葵心無語向斜陽。侯蛩淒淒紅樓夜。莫遣清愁病庾郎。

病起奉東長沙公

二道

燈花侯喜夢能親。天挺韓公廊俗塵。都遣文章作餘事。偶耽風月現吟身。亢陽久暴誰無悔。詩病勤攻自未貧。亦是小生須料理。俄成薑桂盡含辛。平生詩語多苦韻欲伏 先生一廓清之

題葉廣度君驢溪憩影圖 和甫

兒要爲天下雄安能老此畫圖中。萬事爭須隨時命。橫腰寶劍鳴雙龍。君身名重江南葉。一水一山縱游涉。誰知終伏此溪濱。兩鬢看將白成雪。人生何處不天涯。誅茅弓地便爲家。千樹桃花萬楊柳。大旗嵐翠吞朝霞。其間亭閣參差起。荷花香沁田田裏。真忘蕭瑟此江關。門一片橫塘水。亭中靜坐遣牢愁。中年未合長離憂。鷓鴣焚香愛禪悅。眼前征戰百誅求。時復相思策杖來。紅樓一角近高台。桃燈話舊狂歌賞。逸氣真欲酣風雷。都從少小離鄉縣。世載分飛不反見。我羈西鄙君南天。萬里相逢笑貧賤。蟲魚草木孔所尊。君從陸璣疏高文。更聘餘力及詞賦。秦七黃九合一身。少年落落誇徒步。悲歌慷慨燕台路。聞說海上三神山。楊颺又向扶桑去。男兒意氣寧容老。整頓乾坤誣人早。東陵種得故侯瓜。晴川歷歷漢陽草。陽羨有田長不歸。夢魂飛遶蜀山湄。若非戎馬生畿輔。寧得丹青寫鬢眉。西征鼓痛打回帆。婆娑柳樹悴江潭。聊復泛它驢溪曲。八年烽火紅東南。斗米量珠持戶難。摧眉折腰百羞顏。方朔長身饑欲死。飄零講席遑論安。世人競慕青銅錢。君獨長嘯樂琴絃。世人競慕黃金友。君獨譽我不容口。怪我軀小酒腸寬。齏我新醪酌大斗。狂來白眼怒看天。相誇自詡存忠厚。園滿生蔬池滿魚。篋中琴劍百無有。瑛已由延抵此。二日借華等搭機飛而轉赴當地視察。中共對該問題之如何解決。將以此行所得爲依歸。

聲明

徹查中

發展我
新加坡三日
專電
星洲商務

齊天樂

沈祖棻

淡烟疏雨江干路。行吟但供憔悴。百劫兵塵。三年病枕。留命人間何味。家園萬里。沈風木餘哀。一坏誰祭。待挂歸帆。去程重見亂峯起。西南休道往久。飄零如社燕。危幕難寄。故國青蕪。王風蔓草。淒絕凭闌心意。舊歡漫理。賸粉淚銀箋。相思空費。夢醒天涯。客愁真倦矣。

量守廬日記

黃季剛先生遺稿

入日丁亥三之十二

姓煖

夜大風

理財 上先生書附寄溥泉等一書中

央大學一書 再看唐文粹至八十五

書六 臥看癸已存稿

九日戊子三之十三

仍姓

蘇軾開禧歲次
敵羊裘裘加楊

有所緒 哺詣金陵校發怒。再看唐

文粹至八十七書八

十日己丑三之十四 仍姓薄寒

大圓來送酒筍 與焯商還里事 文

海山房送來寰宇貞石圖一部六册價

八元賒之 夜通生書來云欲與茹辛

少湄挈尊酒預于十五號為予作生日

復書力辭 再看唐文粹八十八書十

臥看癸已存稿

十一日庚寅三之十五

姓煖

易勝抱

奉 先生十四日書 鼎丞來言今日

不能游午赴曾通一單壽筵之約食于

皇后飯店客有謝无量但植之張知本

食罷順道至中央校旺大圓演說晤旭

初 哺挈子女四人出游步至太平門

得車出城緣路看花杏有餘芳李正繁

桃初放川原列繡雲日輝妍坐蔣廟茶

肆淪所攜武夷茶飲之月上乃反真可

謂佳游也 夜省公鐸日疾心疾至

大女處談至宵分 看唐文粹八十九

一 臥看癸已已存稿竟(附)南史顧延之性
既懶激兼有酒

過眼意直言曾無回嚼論
者多不與之謂之顧彪

十二日辛卯三之十六

姓煖

蘇軾

旭初來共食食後適丁于鄧三子至遂

出游先訪杜茶邨墓乃循鍾山鹿至靈

谷寺看玉蘭孝陵門內看倭櫻夕食聚

慶晤南通黃淬伯以其所著慧琳音義

聲韻考見贈歸省公鐸慰其心疾至大

女處小坐反觀風砭肌中夜發熱殊困

得師電云鼻衄發罷講

十三日壬辰三之十七 風雨復寒

本約婿女出游以病而止 臥看癸已

一稿陶菴夢憶 中夜救血